

Aktuellis ausn Voreinslabn:

Dor Vürstand hat siech getroffn un in ganzn Haufn rim un nim organisiert!

Unner Besuch im Planetarium Schneeberg am 16. Mai stieht vor dor Tür.
Beginn vu dor Vorfiehring is schu 16.30 Uhr, do müßt ihr alle pinktlich do sei!
Dor Vorein ieberrimmt de Eitrittskosten.
Hinnerhar fahrn mir wieder zerick bis zen Rüff, do gibt´s dann ze Assn un ze Trinkn,
des muss aber jeds selber bezohl'n.

De Abfahrt mit de PKW´s söllt esu kurz vor **16.00 Uhr sei,**
von wu aus, des macht aber bitte jeder selber
mit sein Fahrer aus!

(siehe Extra-Blatt AUTOLISTE für Planetarium)



E herzlichs Glückauf mitenanner!

De nächste Sach is unner 2. Eimstocker Mund-Art-Traffn am **20.06.2024 im Q-Stall.**
Um de Plätz abzesichern, sölln siech unnere Mitglieder **bis zen 20. Mai** im
Schatzhaus **aamalden**. Im Auersbarbotn wern dann de restlichn Plätz agebutn, weil
mir ja gern aa annere Interessierte aus Eimstock dodorzu mit eilodn wolln.
Des wird bestimmt wieder e besonnern schiener Obnd mit viel Liedle un Gedichtle in
unnerer schenn arzgebirgschn Muttersproch!

Warim haaßt des dä eingtlich Muttersproch
– ganz aafach – weil dor Vater nischt ze
sogn hat!



FAHRDIENST
siehe oben bzw. Einlegeblatt!



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
230

Mitteilungsblatt des
Erzgebirgischen Heimatvereines
Eibenstock e.V.

Mai
2024



Des is kaane Kunst, des is Baam am Kunsthaus

Klassntraffn in „Blaue Wunner“



„Is werd Zeit, des mir uns wieder mol zen Jahrgangstraffn zamfindn, mir wern nämlich alle ball 75 Gahr! Unnere Restlaafzeit is schu in volln Gang!“ Esu hatt iech unner nu schu 3. Zammekunft aller Klassn vu 1956 eigelett. Mir warn wieder im „Blaue Wunner“, do sei mir schu immer zu aller Zefriednhaat bedient un vorsorcht wurn.

Vu ehemals 192 Schülern sei dorwagn schu leider e ganz schiens paarle gestorbn, welche sei sugar im Heim, e paar krank un einiche trotz Bemuehunge nimmer aufzefindn. Su warn vu letztlich 118 eigelodne nár ganze 56 dorscheine. Aber dáne hatts im su besser gefalln. Durch die schenn Rickblickle per Vidjos un Biemer sei



viel Dorinnerunge wieder wach wurn, viel Begechnunge un lustiche Unnerhaltunge an alln Tischn ham for ne ieberaus super Stimmung gesorcht. „Un wann traff mor uns wieder?“ Des war ne gute Froch - vielleicht in 3 Gahrn? Aber is is halt vornewag allis mit viel Arbit vorbundn un die will erscht emol in unnern Alter gemacht sei. Iech wass, vu wos iech red. Eier Schmidt



Wir gratulieren unseren Heimatfreunden

Martina Ungethüm	am 2.5. zum	73. Geburtstag
Viola Taube	am 8.5. zum	68. Geburtstag
Ute Wüst	am 10.5. zum	65. Geburtstag
Bianka Brenner	am 16.5. zum	75. Geburtstag
Gabriele Höwler	am 25.5. zum	72. Geburtstag
Renate Baumgart	am 26.5. zum	91. Geburtstag
Brigitte Tittel	am 27.5. zum	75. Geburtstag
Annerose Pechstein	am 31.5. zum	83. Geburtstag



*Jeder kehre vor der eigenen Tür,
und die Welt ist sauber.*

- Johann Wolfgang Goethe -

*... im Wonnemonat Mai:
Do guck mor neine Mond
im Planetarium Schneeberg
an Donnerstich, ne 16. Mai,
neue Zeit: 16.30 Uhr*

Näheres siehe bei Aktuellis of dor Seit 8!



*2. Eimstocker
Mund-Art-Traffn
am Donnerstich,
ne 20. Juni, 18.00 Uhr
im Q-Stall*

ES SCHENNSTE BLÜMEL

Vun all den Blümeln, die ich kenn,
blüht aans wie kaans su schie.
Ob´s Sommer oder Winter is -
dos Blümele tut blüh.

Dos Blümel blüht of kaaner Wies
un of kaan Ackerrand,
dos Blümel reißt aah kaaner o,
dos hot enn festen Stand.

Dos Blümel haaßt: Mei Haamitlieb -
es blüht im Herzen mei.
Dos Blümel blüht, sulang ich laab,
dos Blümel gieht net ei.

Es is es schennste, dos ich kenn,
es blüht, wie kaans su schie -
es blüht un tut derzehln, wie gut
ich meiner Haamit bi.

Karl Hans Pollmer aus Geyer

Aus dor Voreins-Vorgangehaat: E Artikel vom Saafnlob 1936

Meine liebn Eimstocker!

Kaum hammer unner schiens Bielfast hinner uns, do giehts schu wieder aufs Neie Ius. Dies Gahr ka geder für 24,50 Mark 3 ½ Tog mit uns nooch Berlin. An 27. September früh giehts fort – kurz nooch Mittag sei mir schu in Berlin. Nu wos eich do allis gebutn ward. Assn kennt ihr wie de Hammerschmied – geschlofn wird nár in weiße Bett. Gleich in erschn Obnd is Konzert in dor Philharmonie. An Sunnobnd sei Stadtrundfahrtn un Besuch vun Aschinger (Gastronomie und Stehbierhalle) un dor Schwarzkopp-Parfümfabrik, kast aa naus nooch Tempelhof oder in dor Zigarettnfabrik Josetti oder in de Porzellanfabrik, do krichste emende e Senfnappl geschenkt – alles für 24,50 Mark – drei un in halbn Tog lang!

War do net mitfährt, dar mog siech eiweckn lessn. Is is aber noch net allis. Mir besuchn aa is Grußkraftwark Klingebarg, un die gern Bier sanne, die guckn emol zu, wies in dor Patzenhofer-Brauerei gemacht wird – kast aa de Brotfabrik Winkler oder de Fleischwerke Ziegler besuchn – emende fällt e Mettwörschl oh. War ewos vu Kunst vorstieht, guckt in Pergament-Altar oder is Zeighaisl a. – Allis for 24,50 Mark. Iech vorolber eich waß Gott net. Nachmittich sitzn mir in Krollgartn zum Cremschnittlassn un Konzert...

...An Sunntich giehts frie um achte mitn richting Schiff nooch Potsdam, nei dor Garnionskirch un zun Altn Fritz nooch Sangsusi. - Allis for 24,50 Mark. Ihr wird denkn, iech bi olber, aber na, iech halt mei Wort. Wenn iech net racht ho, braucht ihr miech im Labn nimmeh ze estimiern. Obnds is noocherts de 25-Gahr-Feier vun Berliner Erzgebirgsverein in de Krollfestsäl. In Maantich giehts wieder in dor Stadt rim, un Noochmittag im dreie fahrn mir wieder hamzu. Ja, suwos biet eich dor Erzgebirgsverein, un do sei su viel dumme Leit in Eimstock, die siech do noch net emol aagemald ham. Trotzdem namm mir die aber mit. Ihr müßt eich aber ball amaldn, wenn nämlich dor Sunderzug voll is, müßt dor hinnerhar laafn, un iech glab, do wird ihr wuhl e bissl ze spät kumme.

Bis zum 31. Juli muss iech alle maldn. Iech bi itze e paar Tog net in Eimstock, de gittr mol zen Rechtsanwalt Keßler, dar gibt eich e Formular. Halt eich aber dorzu, iech hob bluß vierzich Plätz vurleifig - mol sah, öb iech noch meh krieg. Suwos wird eich net glei wieder gebutn.

Miech loßtr itze mol e verzn Tog in ruh! Gesunde Ferien! Eier Saafnlob.

Quelle: « Eibenstocker Tageblatt » vom 12. Juli 1935 - Schatzhaus Eibenstock

Anmerkung: Des söll kaane Vorniedlichung for de domolsche Diktatur sei, aber unner Saafnlob hat do halt mitgehalt un Werbung gemacht. Is Traffn mit „Annerschdenkndn“ ham mir lieber glei mol waggelessn... Ihr söllt nár emol sah, des siech do aa schu allezam aamaldn mußtn, wenn se bei nor Voreinssach dorbei sei wolltn.

Spieln - Spieln - Spieln



Mir ham wieder emol gespielt! An jedn Tisch war ewos andersch in Gang: Mensch, nu ärcher diech nâr net esu! Skat: Eichln is grad Trumpf! Monopoli: mir gehârt de ganze Walt! Ihr kennt aufgabn mit eire paar Pfeng! Rommee: Mußt du deine Kartn hier olegn, do wollt iech doch hie!

Esu ging des an alln Tischn feder, alle warn wie jeds mol, mit Eifer dorbei. Die bein Mensch rausgeschmissn wurn sei, die ham siech halt emol for e paar Sekündle geârchert, aber dann doch wieder tapfer wetter mitgespielt, denn – se wolltn ja doch noch eperemende gewinne. Bei de Rommeeaner hat dor Tisch bal net gereicht – suviel ham die ausgeleecht!



Du bist fei dra, mahr diech nâr emol aus!

Schmeiß mieh ja net naus!



Läß se nâr spukn, iech gewinn subesu!



Un dann gobs aa noch e paarle vu de neimodischn Spielerein, do muss mor erscht emol aufpassn, eh mor des allis vorstieht un halmwags noocherts aa noch beherrscht – denn mor will ja aa dohiertn dor Beste sei un gewinne! Bei den annern Tisch wurd noch e ganz vorrickts Spiel probiert – ich hob do ne emol ne ganze Weil aufgepasst,

aber net kapiert, im wos is do ging. Des Hie- un Har mit de Kartn un dan aah noch Kârtle mit Reechln laasn, naa des is mir nischt! Do hob iech mieh lieber wieder an mein Komputer gesetzt un e paar alte Vidjos neigespielt un mit ne Biemer an unnere große Leinewand geklatscht! E paarle ham dann mannichsmol aa do hie geguckt.

Bis bal wieder mol, Eier Schmidt!



Wie kimmt dä do dar schottische Dudelsack su plötzlich nei unner Blattl? Nu also, den kenne mir doch schu noch vun unnern Auerschborg har. Aber wos macht dar dä do untn in dor Unnerstadt bein Jung-Loth in dor Wuhning? Ach ja, dar hat sein 70. gefeiert, allis Gute noch, zweeter Vürsitzndor! Allermacht hat dar Schott wieder neigeblosn, de Hausleit bein Loth wern



gedacht hobn, des e ganzis Orchester zegang is, su laut war des, aber is schottische wie aa is arzgebirgsche Liedl hat aafach schie geklunge. Ja, dar Dudelsackmaa is ja aa e Schnitzer, die warn ja eigelodn, genau su wie mir paar vun Vürstand an den Sunntichvürmittich. Des war net nâr e Frieschoppn, des war meh e Friesserei mit Torte, Kuchn un, un, un... Danke Lothar un Sabine!